

# Ժողովուրդ

148  
(2998)

29 հոկտեմբերի երեքշաբթի 2024  
տպագրության ԺԳ տարի

Է. Երեան, Արմլուր 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՀԱՐՑԱՔՆԵՎԵԼ Է ՓԱՇԻՆՅԱՆԻ ՆԱԽԿԻՆ ՕԳՆԱԿԱՆԸ



ԱԺ ԲՊ պատգամավոր Հայկ Սարգսյանի եղբորը՝ Նաիրի Սարգսյանին, կանչել են ՀՀ քննչական կոմիտեի ու հարցաքննել: «Ժողովուրդ» օրաթերթին հայտնի դարձավ, որ հարցաքննությունը նրանց հոր ավտոմեքենաների յուղման կետի մոտ տեղի ունեցած պայթյունի քրեական վարույթի հետ է կապված եղել:

«Ժողովուրդ» օրաթերթը նեկայացնում է, թե ինչ է իրավապահներին պատմել ԲՊ-ական պատգամավորի եղբայր, Նիկոլ Փաշինյանի նախկին օգնական Նաիրի Սարգսյանը:

«Հայտնում եմ, որ սույն թվականի հունիսի 22-ին՝ ժամը 00:17-ին, իմ ֆեյսբուքյան էջին Messenger հավելվածով ինձ անհայտ և անծանոթ՝ «Ռոբերտ Կասյան» ֆեյսբուքյան էջի Messenger հավելվածից ստացել եմ հաղորդագրություն՝ հետեյալ բովանդակությամբ. «Հերոջ վնաս ա տվել իմ ընտանիքին, էլի եք տրաքելու», որից հետո իմ և իմ ընտանիքի հասցեին տվյալ օգտատերը հնչեցրել է հայհոյանքներ, որոնք ես ջնջել եմ նամակագրությունից: Արձագանքելով՝ հարցրել եմ ինչ վնասի մասին է խոսքը, սակայն նա կրկին շարունակում էր նույն բովանդակությամբ հաղորդագրություններ ուղարկել, նույնիսկ նշել է. «Էն պայթյունը հիշում ես, խելոք մնացե՛ք, գոնե»:

Այս ամենից հետո ես այդ հաղորդագրությունը ուղարկողին հարցրի, թե նա ինչ կապ ունի այդ պայթյունի հետ, իսկ վերջինս պատասխանեց կրկին նույն ոճով՝ նշելով. «Դրա հետ դուք կապ ունեք, ես քեզ ասում եմ հանգիստ մնացե՛ք»:

Հայտնում եմ, որ ես միանգամից ենթադրեցի, որ 2022 թվականի օգոստոսի 31-ին Ն. Զարյան 42/2 հասցեում գտնվող եւ հորս՝ Զարեհ Սարգսյանին պատկանող յուղման կետի պայթյունի դեպքի մասին է խոսքը, քանի որ որեւէ ուրիշ պայթյուն տեղի չի ունեցել, հետեւաբար ենթադրում եմ, որ այդ հաղորդագրություններն ուղարկող անձը ինչ-որ առնչություն կարող է ունենալ վերոնշյալ պայթյունի դեպքին, սակայն թե ով կարող է լինել, ես ոչինչ չեմ կարող հայտնել, նույնիսկ այդ օգտատիրոջ տվյալներն ինձ ծանոթ չեն, առաջին անգամ եմ տեսել, նման անուն-ազգանունով անձի չեմ ճանաչում: Հայտնում եմ, որ ես կամ իմ ընտանիքը որեւէ մեկի հետ թշնամական հարաբերությունների մեջ չենք, հետեւաբար չեմ կարող ասել, թե ով կարող էր նման արարք կատարել, որեւէ մեկին ես չեմ կասկածում:

Նշեմ, որ այս պայթյունի վերաբերյալ նամակագրությունից հետո շարունակում էր հաղորդագրություններ ուղարկել, նաեւ հարցրեց՝ Երեանում եմ, թե՛ ոչ, որ երկրից դուրս գալու դեպքում իրեն գրեմ: Ինքը կասի, կգան ինձ հետ հանդիպելու եւ ամեն ինչ կբացատրեն, եւ որ դա ինձ է պետք, իրեն պետք չէ: Ինչ-որ մարդիկ կհանդիպեն եւ կպատմեն ամեն բանի մասին:

Հայտնում եմ, որ այս ամենից հետո որեւէ կասկածելի անձ ինձ չի գրել, չի անհանգստացրել»:

Ստորեւ ներկայացվող հարկերից խուսափելու դեպքը հիրավի հավակնում է ընդգրկվել դասագրքերում՝ իր բացառիկ գործող անձով եւ գումարի չափով: Ոչ հեռավոր 2014 թվականին՝ «թալանջիների ժամանակ», ԱԺ ներկայիս նախագահ Ալեն Սիմոնյանը որոշում է իր բնակարանի հասցեում գրանցված «Սիցիլիա» ՍՊԸ-ի 1 միլիոն 422 հազար դրամ հարկային պարտավորությունը չկատարել: Հարկը գանձելու դժվարին ճանապարհին ՊԵԿ-ը անգամ ՍՊԸ-ի եւ նրա գույքի նկատմամբ հետախուզում է հայտարարում, քանզի ոչ մի կերպ ծանուցագրերով չի հայտնաբերում տիրոջը՝ Ալեն Սիմոնյանին: Ի վերջո, այժմ արդեն հպարտ Ալեն Սիմոնյանը «հասնում» է «Սիցիլիա» ՍՊԸ-ն սնանկ ճանաչելուն: Հիշեցնենք, որ պետական բյուջեի հանդեպ ունեցած պարտավորությունների վճարման նպատակով 24.10.2011 թվականին «Սյանիկյան»-ի հարկային տեսչության կողմից 1.196.900 ՀՀ դրամի բռնագանձման հայց է ներկայացվել ՀՀ վարչական դատարան՝ ընդդեմ Ալեն Սիմոնյանի ընկերության: ՀՀ վարչական դատարանի՝ 06.03.2012 թվականի թիվ ԿԴ/6127/05/11 վճռով հայցն ամբողջությամբ բավարարվել է, ինչի հիման վրա տրվել է կատարողական թերթ: Դատարանի՝ 08.06.2015 վճռով «Սիցիլիա» ՍՊԸ-ն ճանաչվել է սնանկ: «Սիցիլիա» ՍՊԸ-ի պարտավորությունների հանրագումարը պետական բյուջեի նկատմամբ 08.05.2014 թվականի դրությամբ կազմում էր 1.422.884 ՀՀ դրամ, որից պարտադիր սոցիալական ապահովության վճարի գծով՝ 238.085 ՀՀ դրամ, որից ապառք՝ 116.973 դրամ, տույժ՝ 121.112 ՀՀ դրամ, հաստատագրված վճարի գծով՝ 908.665 ՀՀ դրամ, այդ թվում ապառք՝ 567.310 ՀՀ դրամ, տույժ՝ 341.355 ՀՀ դրամ, եկամտահարկի գծով՝ 145.959 ՀՀ դրամ, որից ապառք՝ 93.952 ՀՀ դրամ, տույժ՝ 52.007 ՀՀ դրամ, շահութահարկի գծով՝ 130.176 ՀՀ դրամ, որից ապառք՝ 84.120 ՀՀ դրամ եւ տույժ՝ 46.056 ՀՀ դրամ, որը, ըստ էության, այդպես էլ չի վերադարձվել պետական բյուջե:



Ի վրիժաբանությամբ թերեւս մեղմելու քայլ է արվել. Նիկոլ Փաշինյանի գլխավորած «Զարթոնքի» կուսակցության կանոնադրությունից հեռացվել է «Արարատ լեռ» բառակապակցությունը: «Ժողովուրդ» օրաթերթը 20.08.2024 թ. հոդված էր հրատարակել այն մասին, որ ԲՊ կուսակցության գլխավոր փաստաթուղթ կամ «սահմանադրություն» համարվող կանոնադրության մեջ կուսակցության սիմվոլ հանդիսացող «ձեռքսեղմում» պատկերը համարվել էր Արարատ լեռան հոմանիշ: Եվ ահա, սահմանադրությունից հայանապաստ հողվածները վերացնելուց հետո, ԲՊ-ն արդեն հեռացրել է Արարատ լեռան անունը իր կուսակցության մայր փաստաթղթից: «Ժողովուրդ» օրաթերթը պարզեց, որ իշխող կուսակցության գլխավոր փաստաթղթում խմբագրում է կատարվել եւ հեռացվել է «Արարատ լեռ» բառակապակցությունը: Հետաքրքիր է՝ կանոնադրության սույն փոփոխությունը պետական գրանցում ստացել է պետական ռեգիստրում, թե՛ ԲՊ վարչության վերջին ընտրությունների պես կատարվել է կեղծիքով: «Ժողովուրդ» օրաթերթը հետետողական կլինի:



Ի շխանությունները Գյումրիում պատրաստվում են արտահերթ ընտրությունների: Երեկ հայտնի դարձավ, որ Գյումրու համայնքապետ Վարդգես Սամսոնյանը հրաժարական է տվել, ինչպես եւ օրեր առաջ կանխատեսել էր «Ժողովուրդ» օրաթերթը: Նրա հրաժարականի հետ միաժամանակ մանդատները վայր են դրել նաեւ «Բալասանյան» դաշինքի ավագանու անդամները: Ըստ շրջանառվող տեղեկությունների՝ Գյումրու իշխող ուժը այս որոշումն ընդունել է նախկին քաղաքապետ Սամվել Բալասանյանի եւ նրա որդու՝ Խաչատուր Բալասանյանի քրեական հետապնդումից հետո: Վերջիններս անցնում են Գյումրու ՍԵ քերական հարակից հողատարածքների օտարման գործով: Հիշեցնենք՝ 2021 թվականին անցկացված ՏԻՄ ընտրությունների արդյունքում ԲՊ-ն ու «Բալասանյան» դաշինքը համագործակցության հուշագիր ստորագրեցին՝ համատեղ ղեկավարելով Գյումրին: Նախորդ տարեվերջին, սակայն, ԲՊ-ն լուծարեց կուսիցիան՝ հայտարարելով, թե իրենք Գյումրիում ընդդիմություն են լինելու: Փաստացի, այս ողջ ընթացքում իշխող ուժը տարբեր ճնշումների միջոցով փորձեց Գյումրիում խլել իշխանությունը «Բալասանյան» դաշինքից, ու երբ Փաշինյանը հեծանկիվով գնաց Գյումրի՝ իշխանափոխությունը ավարտվեց, քաղաքապետը հրաժարական տվեց: Ասել է թե՛ ԲՊ-ն հասավ իր բաղձալի նպատակին, ճնշումների արդյունքում «Բալասանյան» դաշինքը տեղի տվեց: Այսպիսով, եթե հոկտեմբեր-նոյեմբեր-դեկտեմբեր ամիսներին Գյումրու ավագանին նիստ չգումարի, ապա կլուծարվի եւ ավագանու արտահերթ ընտրություններ կլինեն, եթե համայնքի ղեկավար ընտրելու համար նիստ գումարվի եւ համայնքապետ չընտրվի, ավագանին այս դեպքում էլ է լուծարվելու:



Շարունակությունը՝ ArmLur.am կայքում:

ԶՐՈՒՅՑ

# «ԱՌՐԵՋԱՆԸ ՈՉԻՆՉ ԷԼ ՉԻ ԶԻՋԻ», ՍՈՒՐԵՆՅԱՆՑ

Երեք օր առաջ՝ հոկտեմբերի 25-ին, Ադրբեջանի նախագահ Իլհամ Ալիևը հրամանագիր է ստորագրել, որով հաստատել է Հայաստանի եւ Ադրբեջանի սահմանագրաման հանձնաժողովների գործունեության կանոնակարգը:

Նշենք նաեւ, որ ավելի վաղ ՀՀ նախագահ Վահագն Խաչատրյանը եւս ստորագրել էր «Հայաստանի Հանրապետության եւ Ադրբեջանի Հանրապետության միջեւ պետական սահմանի սահմանազատման եւ սահմանային անվտանգության հարցերով հանձնաժողովի ու Ադրբեջանի Հանրապետության եւ Հայաստանի Հանրապետության միջեւ պետական սահմանի սահմանազատման պետական հանձնաժողովի համատեղ գործունեության մասին» կանոնակարգը վավերացնելու մասին» օրենքը:

Այս թեմայի վերաբերյալ «Ժողովուրդ» օրաթերթը գրուցել է քաղաքագետ Սուրեն Սուրենյանցի հետ:

**Պարոն Սուրենյանց, ի՞նչ են ենթադրում սահմանազատման վերաբերյալ տեղի ունեցած վերջին դեպքերը:**

Ադրբեջանը պատճառ չունի չստորագրելու այդ փաստաթուղթը, որովհետեւ այն բովանդակային առումով խոցելի է Հայաստանի համար: Ադրբեջանն ուժեղ կողմ է եւ որեւէ խնդիր չունի՝ այդ փաստաթուղթը ստորագրելու, այստեղ այլ հարցեր են առաջանում. դա տեղի ունեցավ Կազանի հանդիպումից անմիջապես հետո, հետեւաբար հարց է ծագում ինչի՞ դիմաց, արդյոք ինչ-որ բանի դիմաց Ալիևը ստորագրեց, այսինքն՝ ստացել է ինչ-որ բան Փաշինյանից, որ դա ստորագրել է, թե ոչ: Սա՛ մեկ երկրորդ հարցը հետեւյալն է. փաստաթուղթ ստորագրելը մի բան է, դեյիստացիայի եւ դեմարկացիայի գործընթացը շարունակելն այլ բան է: Մենք ընդամենը ստորագրության փաստը գիտենք եւ, օրինակ, տեղեկացված էլ չենք հաջորդ սահմանազատին որն է, որտեղ պետք է այդ գործընթացը շարունակվի:



**Շնորհանուր առմամբ, ի՞նչ վտանգներ է այս ամենը պարունակում:**

Այդ կանոնակարգը, որը վավերացվել է նաեւ Հայաստանի խորհրդարանի կողմից, չունի քարտեզային նկարագիր: Երբ փաստաթուղթը քարտեզային նկարագիր չունի, միշտ հնարավորություն է տալու, որպեսզի տարբեր սահմանահատվածներում Ադրբեջանը կամայական ունեցումներ ցուցաբերի, պահանջներ դնի Հայաստանի առաջ: Ամենաառաջնային վտանգը դա է: Ադրբեջանը շարունակելու է իր քաղաքականությունը, անընդհատ ինչ-որ բան անելու դիմաց՝ ինչ-որ բաներ է կորզելու Հայաստանից: Ընդհանուր վտանգները սրանք են:

**Հայաստանը կրկին կգնա՞ զիջումներ անելու քայլին, ի՞նչ էք կարծում:**

Հետպատերազմյան ամբողջ վիճակն ինչի՞ մասին է... Ցավոք սրտի, հենց դրա մասին է, որ Հայաստանն անընդհատ ինչ-որ բան զիջել է:

**Կարծում ե՞ք՝ այս անգամ էլ միակողմանի կլինեն զիջումները, թե՛ ամեն դեպքում Ադրբեջանն էլ, հնարավոր է, որոշ զիջումներ անի:**

Ադրբեջանի դեպքում ես որեւէ բան զիջելու պատրաստակամություն չեմ տեսնում: Օրերս Հաջիդեղ էլի խոսել է այդ մասին, որ Հայաստանը պետք է պատասխանատվության ենթարկվի առաջին պատերազմի, իրենց բառերով ասեմ, «հանցագործներին»: Ցավոք, իրենց բառապաշարի մեջ չեմ տեսնում զիջելու պատրաստակամություն:

*Զրուցեց ԱՆՆԱ ՍՐԱՊԻՈՆՅԱՆԸ*

## ԸՆԹԱՑԻԿ

### ՄԵԿՆԱԲԱՆՈՒՄ Է ՏԻՆԱՆՄԵՆԻՐ ԵՄԱՐԱՐԸ

2025թ. պետական բյուջեով նախատեսվող կապիտալ ծախսերի 55,8 տոկոսն ուղղվելու է պաշտպանության ոլորտին: Երեկ Ազգային ժողովում 2025 թվականի պետական բյուջեի նախագիծը ներկայացնելիս այս մասին հայտնեց ՀՀ ֆինանսների նախարար Վահե Հովհաննիսյանը:

Նախատեսվում է, որ 2025թ. կապիտալ ծախսերը կկազմեն համախառն ներքին արդյունքի 6,6 տոկոսը, որը 2024թ. պետբյուջեով նախատեսված կապիտալ ծախսերի մակարդակին հավասար է, սակայն 2024թ. սպասվող ծախսերի համեմատ շատ է 0,6 տոկոսով:

### ՀՀ ՊԱՐՏՔԸ 12 ՄԼՐԴ Է, ԿԱՆԻՍՏԵՄՎՈՒՄ Է՝ 1 ՄԼՐԴ-ՈՎ ԿԱՎԵԼԱՅՎԻ

Կառավարությունը կանխատեսում է, որ 2024-ի վերջում պետական պարտքը կկազմի մոտ 49.8 տոկոս, իսկ հաջորդ տարի այն կաճի՝ հասնելով 53.5 տոկոսի: Այս մասին ասաց ՀՀ ֆինանսների նախարար Վահե Հովհաննիսյանն ԱԺ մշտական հանձնաժողովների նիստում 2025 թ. պե-

տական բյուջեի նախագծի նախնական քննարկումներում:

«Կանխատեսում ենք, որ 2024-ի վերջում կունենանք 50 տոկոսի մոտ՝ մոտավորապես 49.8 տոկոս պետական պարտք: 2025 թվականի ավարտին պետական պարտքը կհասնի 53.5 տոկոսի, նմանապես առումով կլինի 5 տրլն 914 մլրդ դրամ: Այսինքն՝ 5 տրլն 37 մլրդ-ից կաճի մինչև 5 տրլն 914 մլրդ դրամ», - ասաց Հովհաննիսյանը՝ սա պայմանավորելով 2025-ին բյուջեի դեֆիցիտի բարձր մակարդակով:

Թեմայի վերաբերյալ «Ժողովուրդ» օրաթերթը գրուցել է «Հայաստան» խմբակցության պատգամավոր Արթուր Խաչատրյանի հետ: Զրույցի ընթացքում ընդդիմադիր պատգամավորը նշել է, որ այս իշխանությունների օրոք երկրի տնտեսությունը չի գործում եւ տնտեսական աճի թվերը, որոնք գրվում են առաջություն չունեն ՀՀ իշխանությունների հետ, այլ պարզապես կապված են ՌԴ-ի դեմ կիրառվող սանկցիաների հետ, քանի որ վերադարձնում է ՌԴ-ից գնվածը եւ դա մեր տնտեսական զարգացման ցուցանիշ չէ:

«Քանի որ մոտենում ենք ընտրություններին, պետք է ամբոխահանճ ծախսեր անել, եւ դրա միակ տարբերակը պետական պարտքն է, ինչի համար էլ այն հասել է աստղաբաշխական՝ 12 միլիարդի, եւ նախատեսում են ավելացնել եւս մեկ միլիարդով», - նշեց Արթուր Խաչատրյանը:

*ՔՐԻՍՏԻՆԱ ՍՈՒՆԵՂՅԱՆ*

### ԳՅՈՒՄՐՈՒ ՔԱՂԱՔԱՊԵՏԸ ՀՐԱԺԱՐԱԿԱՆ Է ՏՎԵԼ

Գյումրու քաղաքապետ Վարդգես Սամսոնյանը հրաժարական է տվել:

Տեղեկությունը հաստատել է քաղաքապետի մամուլի քարտուղար Սոնա Առաքելյանը:

Հիշեցնենք, որ ավելի վաղ ArmLur.am-ը գրել էր, որ 2021 թվականի նոյեմբերին Գյումրիու 4-րդ քաղաքապետ ընտրված «Բալասանյան դաշինքի» ընտրացուցակը գլխավորող Վարդգես Սամսոնյանը հրաժարականի դիմում է ներկայացնելու:

### ԱՐՏԱՂԵՐԹ ՆԻՍՏ

«Քաղաքացիական պայմանագիր» խմբակցության նախաձեռնությամբ խորհրդարանը հոկտեմբերի 31-ին՝ ժամը 13:00-ին, արտահերթ նիստ կգումարի:

Օրակարգում «Զինվորական ծառայության եւ զինծառայողի կարգավիճակի մասին» օրենքում լրացում կատարելու մասին օրենքի նախագիծն է:

Հեղինակները «Քաղաքացիական պայմանագիր» խմբակցության պատգամավորներ Անդրանիկ Քոչարյանն ու Արմեն Խաչատրյանն են:

*Ք. ՍՈՒՆԵՂՅԱՆ*



### «5 ՏԱՐԻ Է՝ ԳՈՐԾՈՎ ՈՉԻՆՉ ՉԵՆ ԱՐԵԼ» Ա. ԲԱԽՇՅԱՆ

«Խոստում տալը, պարզվում է, հեշտ է, բայց իրականացնելը չգիտեմ՝ դժվար է, թե անցանկալի է»:

Այս մասին Ազգային ժողովի բաղնիքում լրագրողների հետ զրույցում նշել է հոկտեմբերի 27-ի ոճրագործության ժամանակ գողված, Ազգային ժողովի փոխխոսնակ Յուրի Բախշյանի այրին՝ Անահիտ Բախշյանը:

«Որովհետեւ, երբ ուզում են՝ բացահայտում են այն ահաբեկչությունը, որը ինչ-որ խումբ պատրաստվում էր կատարելու նույնիսկ Արթ Սարգսյանի ժամանակ, Նիկոլ Փաշինյանի ժամանակ... Բացահայտեցին, փառք Աստծու, բայց հոկտեմբերի 27-ից անցել է 25 տարի, չեն բացահայտում: Պատճառները չեմ կարող ասել, բայց ցանկության բացակայություն եմ տեսնում: Չեմ կարող ասել՝ ինչով է պայմանավորված, բայց չափազանց դժգոհ եմ, ամբողջ հոգով ուզում եմ գոռալ ու ասել, որ մեր պետության այսօրվա վիճակը հոկտեմբերի 27-ի հետեանք է: Դա տեսնում են բոլորը: Ուրիշ մեկ տարի առաջ Ազգային ժողովում այս հերթական հավաքույթի ժամանակ, ԱԺ նախագահին ասացի. «Ինչո՞ւ ԱԺ անվտանգության հարցերի հանձնաժողովը նիստ չի հրավիրում, չի փորձում պարզել, թե ինչ են արել: 5 տարի է, իբր, բացվել է գործը, ինչո՞ւ թեկուզ փակ լսում չեք անում, որ հասկանաք՝ ինչ է կատարվում», - մեկ տարին անցավ, ոչինչ չարեցին:

Հիմա գործն արդեն քննչականում է: Վերջերս Քյարամյանը ԱԺ-ում հաշվետվություն էր տալիս, ոչ մի պատգամավոր հարց չտվեց, չասաց՝ պարոն Քյարամյան, փետրվարից այդ գործը Ձեր ենթակայության տակ է, ի՞նչ էք արել, ինչ էք պատրաստվում անել», - ասել է Անահիտ Բախշյանը:

Նա հայտարարեց, որ հիասթափված է Նիկոլ Փաշինյանից. «Շատ առիթներ ունեմ հիասթափվելու: Չեմ թաքցրել, ասել եմ, բայց գիտեք՝ շատ դժվար է խոստովանել, որ պետությանդ վարչապետը, որին ընտրել է ժողովրդի 60 տոկոսից ավելին, խոստումները, որ տվել է, ծրագրերը, որ գրել է հոկտեմբերի 27-ի վերաբերյալ, Կարեն Դեմիրճյանի արձանի բացման օրն ասված խորհուրդները, որ սա բացահայտվելու է, եւ այլն մազ անգամ տեղից չի շարժել, այն սպասելիքները, որ տվել է, չի արդարացրել: Սա եւ ասում եմ ամենայն պատասխանատվությամբ, որպես մեկը՝ ում դիմումի հիման վրա վերաբացվեց գործը:

Ես Քյարամյանի հետ հանդիպել եմ, ոչ մի գործ չի արվել եւ առաջ չի գնում: Ցավում եմ, մենք պարտավոր ենք պահանջել «Հոկտեմբերի 27»-ի բացահայտում՝ ներսի ու դրսի մեր թշնամիներին բացահայտելու համար, որպեսզի մեր ինքնությունը, մեր անկախությունը պաշտպանենք մինչեւ վերջ:

Մեր անկախությունը մեզնից խլելու համար սպանեցին այս մարդկանց», - նշել է Անահիտ Բախշյանը:

ԻՐԱՎԻՃԱԿ

ԻՆՉՊԵՍ ԱՎԱՐՏՎԵՑԻՆ ԸՆՏՐՈՒԹՅՈՒՆՆԵՐԸ

ՎՐԱՍՏԱՆԻՆ ԳԱԺԱՆ ՕՐԵՐ ԵՆ ՄՊԱՍՎՈՒՄ

ՀԵՏԱՔՆԵՆԵԼՈՒ ԿՈՉ Է ԱՐՎԵԼ

ԱՄՆ պետքարտուղար Էլիշեյ Բլինքենը հայտարարել է, որ Վրաստանում խորհրդարանական ընտրությունների արդյունքները վստահելի չեն, եւ իշխող կուսակցությանը մեղադրել է նախընտրական քարոզարշավի ընթացքում «հանրային ռեսուրսների չարաշահման, ծայրեր գնելու եւ ընտրողներին ահաբեկելու» մեջ, ինչը, ըստ նրա, «խաթարել է հանրության եւ միջազգային վստահությունը արդար արդյունքի հնարավորության նկատմամբ»:

«Միջազգային դիտորդներն արդյունքները չեն որակել որպես ազատ եւ արդար: Մենք դատապարտում ենք միջազգային նորմերի բոլոր խախտումները եւ միանում ենք միջազգային եւ տեղական դիտորդների կոչերին՝ լիարժեք հետաքննելու ընտրությունների հետ կապված խախտումների մասին բոլոր հաղորդումները», - ասվում է Բլինքենի հայտարարության մեջ:

Հոկտեմբերի 26-ին Վրաստանում տեղի են ունեցել խորհրդարանական ընտրություններ: Երկրի Կենտրոնական ընտրական հանձնաժողովի վերջին տվյալների համաձայն՝ հաղթել է իշխող «Վրացական երազանք» կուսակցությունը՝ ստանալով ընտրողների 53,93%-ի աջակցությունը: Դրան հաջորդում են հինգ տոկոսի շեմը հաղթահարած չորս կուսակցություններ՝ «Կոալիցիան հանուն փոփոխությունների»՝ 11,03%, «Միացյալ ազգային շարժում»՝ 10,16%, «Ուժեղ Վրաստան»՝ 8,81% եւ «Գախարիան հանուն Վրաստանի»՝ 7,76%:

«ՀԱՐԲԻՍԸ ՊԵՏՔ Է IQ ԹԵՍՏ ՀԱՆՁՆԻ». ԹՐԱՄՓ

ԱՄՆ հանրապետական թեկնածու, նախկին նախագահ Դոնալդ Թրամփը հայտարարել է, որ դեմոկրատ թեկնածու Զամալա Յարրիսը պետք է IQ թեստ հանձնի:

«Զամալան շատ ցածր IQ-ով մարդ է: Նրա հետ ինչ-որ բան այն չէ, ինչ-որ բան պակասում է», - Ռոզանի փողքասթի ժամանակ ասել է Թրամփը:

Նա նշել է, որ ամերիկացի լրագրող Կուպերի հարցերին Յարրիսը չի կարողացել տալ ուղիղ պատասխաններ:

ԹՈՒՐԹԻԱՅԻ ԱԳՆ-Ն ԳԱՏԱՊԱՐՏԵԼ Է ՀԱՐՁԱԿՈՒՄԸ

Թուրքիայի արտգործնախարարությունը հաղորդագրություն է տարածել Իսրայելի կողմից Իրանի դեմ իրականացված հարձակման վերաբերյալ:

Հաղորդագրության մեջ թուրքական կողմը խստորեն դատապարտում է տեղի ունեցածը:

«Միջազգային հանրությանը կոչ ենք անում օրենքի կիրառման եւ Նեթանյահուի կառավարությանը կանգնեցնելու համար հնարավորինս շուտ գործի անցնել:

Մերձավոր Արեւելքում խաղաղության վերահաստատման համար պարտադիր է տարածաշրջանի երկրների եւ արտատարածաշրջանային դերակատարների կողմից խելամիտ եւ ողջախոհ դիրքորոշման որդեգրումը», - նշվել է հաղորդագրությունում:

Վրաստանում քարոզ օրը՝ հոկտեմբերի 26-ին, խորհրդարանական ընտրություններ էին անցկացվում: Ընտրությունն ասիճանաբար վերածվեց կռիվի, քանզի ֆաղափական ներկայիս իշխանությունը չի ընդունում ընտրության արդյունքները, Վրաստանում ասիճանաբար իրավիճակն ավելի է լարվում: Ինչպես ասում են Տեղի լրագրողները՝ Վրաստանին բիւր, դաժան օրեր են սպասվում:

Վրաստանում խորհրդարանական ընտրությունում հաղթանակ է տարել ընդդիմադիր «Եվրոպական Վրաստան» կուսակցությունը՝ հավաքելով ձայների 53,92%-ը, հայտնում է Վրաստանի ԿԸՅ-ն: Խորհրդարան է անցել 4 ընդդիմադիր ուժ: Հիշեցնենք՝ Վրաստանի իշխող «Վրացական երազանքը» էքզիթ փուլի արդյունքներով հավաքել է 56%: Վրաստանում խորհրդարանական ընտրություններն անցկացվել են համամասնական ընտրակարգով: Վրաստանի քաղաքացիներն ընտրում են օրենսդիրի 150 պատգամավորի:

Ընտրությունները, ինչպես սպասում էինք, առանց վեճերի եւ արտառոց իրավիճակների չանցան:

Անհայտ անձինք ներխուժել են խոշորագույն ընդդիմադիր «Միասնական ազգային շարժում» կուսակցության գրասենյակ, ավերել են այն տարածքը, որտեղ կուսակցությունը ճեպագրույցներ է անցկացնում, ընդհարումների մեջ են մտել ընդդիմության կողմնակիցների հետ:

Ընտրությունների լարված իրավիճակից հետո ընտրատեղամասերի դիմաց կուտակվում էին հատուկ ջոկատայիններ ահաբեկչություններից եւ վեճեից խուսափելու համար: Կուսակցությունների համակիրները ընտրատեղամասերում արցունքաբեր գազ եւ սփրեյ են կիրառել:

Մի քանի տասնյակ ընտրատեղամասերի դիմաց ծեծկռուուք եւ վիճաբանություններ են տեղի ունեցել:



Երեկոյան՝ արդյունքներից հետո, ընդդիմությունը տոնում էր հաղթանակը, իսկ իշխող կուսակցությունը հոգեվարքի մեջ էր:

Վրաստանի նախագահ Սալոմե Զուրաբիշվիլին հրաժարվել է ճանաչել խորհրդարանական ընտրությունները եւ հայտարարել դրանց ամբողջական կեղծման մասին: Այս մասին հայտնում է ՏԱՍՍ լրատվականը: Վրաստանի նախագահը կոչ է արել բնակչությանը երկուշաբթի օրը բողոքի ցույց անցկացնել Թբիլիսիում խորհրդարանի շենքի մոտ: Զուրաբիշվիլին Վրաստանի ներկայիս իշխանության անվանել է ոչ լեգիտիմ:

Ինչպես հաղորդում է Վրաստանում գործող «Ալիք Մեդիա» լրատվամիջոցը՝ վեճերին անդրադարձել է նաեւ Սալոմե Զուրաբիշվիլին՝ նշելով, որ ամորալի եւ անբարոյական է էթնիկ փոքրամասնու-

թան օգտագործումը՝ ընտրությունները կեղծելու նպատակով:

Ըստ քաղաքագետների՝ Վրաստանում առաջիկայում թե՛ եւ լարված իրավիճակներ են սպասվում: Նրանք տալիս են հստակ որակում, որ Վրաստանին դաժան օրեր են սպասվելու ընտրության արդյունքներից հետո:

Հավելենք նաեւ, որ Վրաստանի ընդդիմադիր կուսակցությանը հաղթանակի առթիվ առաջինը շնորհավորել է Ադրբեյջանի նախագահ Իլհամ Ալիևը, ապա Հայաստանի վարչապետ Նիկոլ Փաշինյանը եւ Ռուսաստանի Դաշնության նախագահ Վլադիմիր Պուտինը: Սա կարելի է համարել հստակ քաղաքական ակնարկ:

Սպասենք Վրաստանում սպասվելիք բողոքի ակցիաների ալիքին եւ իշխանության քայլերին:

ԷՄՄԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ԿԸՅ-Ն ՄԱՐՄԱՆԵԼ Է 2025-Ի ՏԻՄ

ԸՆՏՐՈՒԹՅՈՒՆՆԵՐԻ ՕՐԵՐԸ

ՀՀ կենտրոնական ընտրական հանձնաժողովը հոկտեմբերի 28-ի արտահերթ նիստում սահմանել է 2025 թվականի տեղական ինքնակառավարման մարմինների հերթական ընտրությունների քվեարկության օրերը: Դրանք են՝ 2025 թվականի մարտի 30, հունիսի 8, հոկտեմբերի 5:

Մեկ այլ որոշմամբ ԿԸՅ-ն փոփոխություն է կատարել 2022 թվականի դեկտեմբերի 2-ի «Ընտրատարածքային ընտրական հանձնաժողովների անդամներ նշանակելու մասին» թիվ 89-Ա որոշման մեջ: Թիվ 29 ընտրատարածքային ընտրական հանձնաժողովի անդամ Լուսինե Էդմոնդի Մովսեսյանը ԿԸՅ է ներկայացրել իր՝ որպես թիվ 29 ընտրատարածքային ընտրական հանձնաժողովի անդամի պարտականություններն ու լիազորությունները դադարեցնելու վերաբերյալ դիմում: Ընտրական օրենսգրքի 45-րդ հոդվածի 6-րդ մասի 2-րդ պարբերության համաձայն՝ ԿԸՅ-ն արձանագրել է ԸԸՅ անդամի լիազորությունների վաղաժամկետ դադարման փաստը:

Թիվ 29 ԸԸՅ-ի թափուր տեղի մրցույթի համար ԿԸՅ-ն, սահմանված կարգով, կհայտարարի:

ՄԻԳՐԱՆՏՆԵՐԻ ԹԻՎԸ ՆՎԱՋԵԼ Է

2024 թվականին Հայաստանում Հնդկաստանի քաղաքացիների քանակը էականորեն նվազել է: Այս մասին ԱԺ հանձնաժողովների համատեղ նիստում 2025 թվականի բյուջեի նախագծի քննարկման ժամանակ նշեց ՀՀ ֆինանսների նախարար Վահե Հովհաննիսյանը:

«Այսինքն, եթե խոսքն աշխատանքային միգրանտների մասին է, ապա, իմ տվյալներով, նրանց քանակը էականորեն նվազել է», - ասել է նա:

Սակայն, Հովհաննիսյանը չգիտեր, թե ՀՀ ժամանած Հնդկաստանի քաղաքացիները որպես զբոսաշրջիկ են եկել, թե՛ աշխատելու նպատակով: «Ճիշտն ասած՝ դրան չեն տիրապետում»:

ԲԼՈՔԵՐՆԵՐԸ՝ ՊԵՆ-ՈՒՄ

Երեկ՝ հոկտեմբերի 28-ին, Ազգային ժողովում քննարկվում էր 2025 թվականի բյուջեի նախագիծը:

Նախագծի ներկայացման ընթացքում ՀՀ վարչապետ Նիկոլ Փաշինյանը բազմիցս շեշտեց, որ ՀՀ պետական բյուջեն կուսակվում է հարկերի շնորհիվ: Սրան զուգահեռ ՀՀ պետական եկամուտների կոմիտեում բլոգերները քննարկում են ու-

նեցել Ռուստամ Բադաայանի հետ՝ բլոգինգը հարկային դաշտ մտցնելու համար:

ՏԵՂԻ Է ՈՒՆԵՑԵԼ ԳԵՐԻՆԵՐԻ ՀԱՐՑԵՐՈՎ ՀԵՐԹԱԿԱՆ ՆԻՍՏԸ

2024 թվականի հոկտեմբերի 25-ին Հայաստանի Հանրապետության ազգային անվտանգության ծառայության տնօրեն Ա. Աբազյանի գլխավորությամբ տեղի ունեցավ Գերիների, պատանդների եւ անհայտ կորած (գտնվելու վայրն անհայտ) անձանց հարցերով զբաղվող միջգերատեսչական հանձնաժողովի հերթական նիստը:

Նիստի ընթացքում հանձնաժողովի նախագահը՝ Հայաստանի Հանրապետության ազգային անվտանգության ծառայության տնօրեն Ա. Աբազյանն անդրադարձավ անհայտ կորած անձանց ճակատագիրը պարզելու ուղղությամբ կատարված աշխատանքներին:

Ամփոփվեցին բռնի անհետացման վերաբերյալ գործերով կատարված աշխատանքների արդյունքները եւ ձեռնարկվելիք միջոցառումները:

Այնուհետեւ քննարկվեցին ծնողների անուհից ներկայացված առաջարկությունները եւ կայացվեցին համապատասխան որոշումներ:



ԻՐԱՎԱԿԱՆ

ՎԵՐԱԲԱՅՎԱԾ ՎԱՐՈՒՅՑԸ

«ՂՈԿՏԵՄԲԵՐԻ 27»-Ի ԳՈՐԾՈՎ ՂԱՐՑԱՔՆԵՎԵԼ Է 24 ՎԿԱ

ՀՀ գլխավոր դատախազությունը հաղորդագրություն է արձակել Հոկտեմբերի 27-ի գործով 2019-2024 թվականների ընթացքում կասարված վարույթային գործողությունների մասին:

Նշվում է, որ 2019 թվականի դեկտեմբերի 27-ին վերսկսվել է 1999 թվականի հոկտեմբերի 27-ին Նաիրի Հունանյանի եւ մյուսների կողմից տեռորիստական ակտ կատարելու վերաբերյալ քրեական գործից (քրեական վարույթից) 2004 թվականի հուլիսի 11-ին անջատված եւ 2004 թվականի նոյեմբերի 11-ին կարճված քրեական գործը:

«Վերսկսման համար հիմք է հանդիսացել տուժողի իրավահաջորդ Անահիտ Բախշյանի եւ նրա ներկայացուցչի՝ ՀՀ գլխավոր դատախազին հասցեագրված բողոքը, որով վերջիններս խնդրել էին վերացնել ՀՀ գլխավոր դատախազության քննչական վարչության պետի տեղակալի՝ քրեական գործի վարույթը կարճելու մասին 2004 թվականի նոյեմբերի 11-ին կայացված որոշումը:

Վերսկսված քննության ընթացքում ցմահ դատապարտյալ Նաիրի Հունանյանը հարցաքննվել է եւ տվել ցուցմունքներ դեպքի հանգամանքների վերաբերյալ:

Քննության ընթացքում հարցաքննվել են նաեւ ահաբեկչական խմբի անդամներ, դատապարտյալներ Կարեն Հունանյանը, Դերենիկ Բեջանյանը եւ Աշոտ Վկայաչյանը: Համապատասխան քրեակատարողական հիմնարկներից առգրավվել են խմբի մյուս անդամներ Էդուարդ Գրիգորյանի, Վռամ Գալստյանի եւ Համլետ Ստեփանյանի անձնական գործերը՝ նրանց մահվան պատճառների վերաբերյալ մի շարք հարցեր պարզաբանելու համար:



ՈԿՏԵՄԲԵՐԻ 27-Ի ԱԳԱՅԻՆ ԺՊՈՂՎՈՐ ՈՏՐՎՈՐԾՈՒՅՑՆ ԶՈՂՈՒՄՈՍ ՊԵՏԱԿԱՆ ԲԱՆԱԲԱՅՎԱԿԱՆ ԳՈՐԾԻ ԶԵՆՔԻՆ

Քննության ընթացքում Գլխավոր դատախազության արխիվից առգրավվել է քրեական գործին (քրեական վարույթին) կցված փաթեթը, Դատական դեպարտամենտի արխիվից առգրավվել են քրեական գործի դատաքննական հատորները եւ քրեական գործին կցված ձայնագրությունները, այլ կյուբեր, ՀՀ ոստիկանությունից եւ այլ ստորաբաժանումներից առգրավվել են դեպքի վերաբերյալ հետաքրքրություն ներկայացնող գործեր:

Նախաքննության ընթացքում առգրավված տեսագրություններով եւ ձայնագրություններով նշանակվել են տեսաձայնագրային փորձաքննություններ, ստացվել են դրանց եզրակացությունները: 2019-2024 թվականների ընթացքում քրեական գործի (վարույթի) ընթացքում հարցաքննվել է 24 վկա, 4 դատապարտյալ, կատարվել է 1 առերեսում: Հանձնարարություններ են տրվել տարբեր օպերատիվ ստորաբաժանումներին՝ դեպքի հանգամանքների վերաբերյալ տարբեր հարցեր պարզաբանելու նպատակով:

Ձևվել են քրեական վարույթի կյուբերին կցված տարբեր փաստաթղթեր եւ էլեկտրոնային կրիչներ, այդ թվում՝ տեսագրություններ: Գլխավոր դատախազի՝ 2024 թվականի փետրվարի 14-ի որոշմամբ քրեական վարույթով նախաքննությունը շարունակելը հանձնարարվել է քննչական կոմիտեին:

Նախաքննությունն ընթացքի մեջ է», - տեղեկացնում է դատախազությունը:

ՁԵՐԱՎԿԱԼՈՒԹՅՈՒՆ

ՄՊԱՌԵՍԵԼ Է ՊԱՅԹԵՑՆԵԼ ՀԱՆԻԱՊԵՏՈՒԹՅԱՆ ՀՐԱՊԱՐԱԿԸ



2024 թվականի հոկտեմբերի 26-ին՝ ժամը 23:07-ին, ահազանգ է ստացվել այն մասին, որ մի քաղաքացի մուտք է գործել ՀՀ Նախարարությունների շենք՝ դրսևորել ագրեսիվ վարքագիծ: Վերջինս հայտնաբերվել է ոստիկանության ծառայողների կողմից եւ տեղափոխել ոստիկանության բաժին՝ ճանապարհին բղավելով, որ բենզատար մեքենայով եկել է Հանրապետության հրապարակ, որպեսզի այն պայթեցնի:

Նույն օրը՝ ժամը 23:11-ին, ահազանգ է ստացվել ՀՀ ՆԳՆ ՃՈ-ից այն մասին, որ անհայտ քաղաքացին բենզատար մեքենան կայանել է Հանրապետության Հրապարակի կենտրոնում, ապա դիմել փախուստի: Միաժամանակ հաղորդում է ստացվել ոստիկանությունից առ այն, որ անհայտ քաղաքացին Երեւան-Սեւան մայրուղում գտնվող բենզալցակայանից առեւանգել է անհայտ մակնիշի բենզատար եւ հեռացել անհայտ ուղղությամբ:

Դեպքի առթիվ ՀՀ քննչական կոմիտեի ԵԶԲՎ Կենտրոն եւ Նորք-Մարաշ վարչական շրջանների քննչական երրորդ բաժնում, ՀՀ քրեական օրենսգրքի 263-րդ հոդվածի 1-ին, 264-րդ հոդվածի 1-ին եւ 297-րդ հոդվածի 1-ին մասերով, նախաձեռնվել է քրեական վարույթ, որի շրջանակներում պարզվել է, որ հիշյալ անձը Երեւան քաղաքի 36-ամյա բնակիչ է: Վերջինս, վարույթն իրականացնող մարմնի որոշմամբ, հանցավոր արարքներ կատարելու հիմնավոր կասկածի հիմքով, ձերբակալվել է:

Նախաքննության ընթացքում Հանրապետության հրապարակում եւ ԿԳՄՍ Նախարարության մասնաշենքում կատարվել են դեպքի վայրերի զննություններ, որոնց արդյունքում պարզվել է, որ Հանրապետության հրապարակի կենտրոնական մասում կայանված է եղել «ԿԱՄԱԶ» մակնիշի, բեռատար մեքենա: Պարզվել է նաեւ այն ընկերությունը, որին պատկանում է նշված բենզատարը, որի պահոցում բենզին չի եղել:

Նախաքննության ընթացքում հարցաքննվել են մի շարք անձինք:

Վարույթն իրականացնող մարմնի կողմից միջոցներ են ձեռնարկվում Երեւան-Սեւան ավտոճանապարհին գտնվող բենզալցակայանից բենզատար մեքենան առեւանգելու հանգամանքները, դրան ձերբակալված անձի առնչությունը եւ դեպքի համար նշանակություն ունեցող այլ հանգամանքներ պարզելու ուղղությամբ:

Նախաքննությունը շարունակվում է:

ՔՐԵԱՎԱՆ ՔՐՈՆԻԿՈՆ

ԼՃԱԿՈՒՄ ՀԱՅՏԵՍԱԲԵՐՎԱԾ ՄԱՐՄԻՆԸ ԿԱՊՎԱԾ Է ԵՂԵԼ

«Ժողովուրդ» օրաթերթին մանրամասներ են հայտնի դարձել «Հաղթանակ» զբոսայգում հայտնի «Արեւիկ» արհեստական լճակում տղամարդու առեղծվածային մահվան դեպքից:

Մասնավորապես, «Ժողովուրդ» օրաթերթին հասած տեղեկությունների համաձայն՝ տղամարդու մարմինը թելերով կապված ու քարերով պատված է եղել: Ըստ նախնական վարկածի՝ տղամարդը ֆինանսական խնդիրներ է ունեցել, եւ ավելին՝ դեպքի վայրում իրավապահների հետ է եղել նաեւ նրա որդին:

Ինքնասպանություն է սա, թե սպանություն՝ ցույց կտա քննությունը, սակայն փաստ է, որ արդեն սպանության հատկանիշներով քրեական վարույթ է նախաձեռնվել:

Ավելի վաղ shamshyan.com-ը հայտնել էր, որ հոկտեմբերի 28-ին առեղծվածային դեպք է տեղի ունեցել Երեւանում: Ժամը 9:40-ի սահմաններում ՀՀ Ներքին գործերի նախարարության փրկարար ծառայության 9-11 ճգնաժամային կառավարման ազգային կենտրոն ահազանգ է ստացվել, որ «Հաղթանակ» զբոսայգում հայտնի «Արեւիկ» արհեստական լճակում դիկա: Իրավապահները նշված լճակում բերանքսիվայր հայտնաբերել են, ըստ

նախնական տեղեկությունների, տղամարդու դի:

40-ԱՄՅԱ ՏՂԱՄԱՐԴԸ ԿՅԱՆՔԻՑ ԶՐԿԵԼ Է ՄՈՐԸ

«Ժողովուրդ» օրաթերթին հայտնի դարձավ, որ հոկտեմբերի 27-ին՝ ժամը 23:00-ին, Շենգավիթի 6-րդ փողոցի տներից մեկում սպանություն է եղել: 40-ամյա տղամարդը սպանել է իր մորը:

Ըստ «Ժողովուրդ» օրաթերթին հասած տեղեկությունների՝ դեպքի վայր շտապած իրավապահները պարզել են, որ նույն օրը՝ ժամը 17:30-ից մինչեւ 23:00-ն, նշված հասցեում Դ. Ե.-ն ձեռքբերով հարվածներ է հասցրել մոր՝ 1952 թվականին ծնված Յ. Հ.-ի դեմքին եւ գլխին՝ պատճառելով մահ: Տղամարդը ձերբակալված է:

ԿԻՆԸ ԿԱԼԱՆԱՎՈՐՎԵՑ

Խաչկապ համայնքում 44-ամյա տղամարդուն կյանքից զրկած կնոջը մեղադրանք է ներկայացվել եւ խափանման միջոց է ընտրվել կալանավորումը: Այս մասին «Ժողովուրդ» օրաթերթին հայտնեցին ՀՀ քննչական կոմիտեից:

«Ժողովուրդ» օրաթերթին հասած տեղեկությունների համաձայն՝ խաչկապ համայնքում գտել էին 44-ամյա Վարդան Ա.-ին սպանած կնոջը: Նա իրավապահներին հայտնել է, որ «տղամարդն ինքն է իրեն զցել դանակի վրա», սակայն ուշագրավն այն է, որ տղամարդու մարմնի վրա հայտնաբերվել է դանակի 6 հարված:

«Ժողովուրդ» օրաթերթը նկատեց, որ սպանված տղամարդն ու ձերբակալված կինը արտամուսնական կապի մեջ են եղել: Նշանակվել է դատահոգեբանական փորձաքննություն, իրավապահները տվյալներ ունեն, որ կինն առողջական խնդիրներ ունի:

Հիշեցնենք, որ հոկտեմբերի 24-ին, առանձնակի դաժանությամբ սպանություն է տեղի ունեցել Արարատի մարզում: Խաչկապ համայնքում գտել էին 44-ամյա Վարդան Ա.-ին, ում պարանոցի հատվածում դատաբժիշկը հայտնաբերել էր խոհանոցային դանակը, մարմնի վրա էլ՝ սուր կտրող-ձակող առարկային հարվածի մի քանի հետքեր:

Տեղում պարզվել էր նաեւ, որ 46-ամյա կինը բժիշկներին հայտնել է, որ տղամարդը ինքնասպանություն է գործել, սակայն Արարատի մարզի ոստիկաններն ու քննիչները տաք հետքերով պարզել են, որ տեղի ունեցածը սպանություն է, եւ կասկածյալ կնոջը, սպանություն կատարելու կասկածանքով, տեղափոխել են ոստիկանության Մասիսի բաժին:

Նյութերը՝ ՔՍՈՐ ՄԱՆՈՒԿՅԱՆԻ

● Ըստ ոստիկանության տվյալների՝ հոկտեմբերի 25-ից 28-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 190 դեպք, որից 1-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԿԻՐԱՆՑՆ ԱՌԱՆՑ ԱՐՈՏԱՎԱՅՐԻ Է ՄՆԱՅԵԼ

Հոկտեմբերի 23-ին Ազգային ժողովի նիստում վարչապետ Նիկոլ Փաշինյանը, պատասխանելով ընդդիմադիր պատգամավորների հարցերին, Կիրանցում սահմանազծումն ու սահմանազատումը հաջողություն համարեց՝ հայտարարելով. «Սա մեծ հաջողություն է: Եվ, առաջին հերթին՝ անվտանգության հետ կապված: Հիշում եք, երբ բոլորը խոսում էին այն մասին, թե ինչպես են երեխաները դպրոց գնալու Կիրանց գյուղում: Երեխաները դպրոց են գնում հաճույքով եւ ապահովության զգացումով: Կիրանցում դպրոց հաճախելը վերջին 35 տարում երբեք ավելի անվտանգ չի եղել: Մենք ցանկանում ենք նման իրավիճակ ստեղծել Հայաստանի բոլոր սահմանամերձ գյուղերում»: Կիրանցում դպրոցի խաղահրապարակը Ադրբեջանի հետ սահման հանդիսացող պատից մոտ 40 մետր հեռավորությամբ, միջպետական ճանապարհի եզրին է գտնվում, երեխաները այնտեղ չեն խաղում. վախենում են: Նիկոլ Փաշինյանը ցանկանում է Կիրանցի նման իրավիճակ ստեղծել Հայաստանի բոլոր սահմանամերձ գյուղերում: Գյուղի հողատարածքները Ադրբեջանին հանձնելուց հետո՝ Կիրանցին շատ քիչ արտավայր է մնացել, որի պատճառով կովերը մորթել, ծախել են, գյուղում ընդամենը մոտ մեկ տասնյակ կով է մնացել: Նիկոլ Փաշինյանը ցանկանում է, որ Հայաստանի սահմանամերձ բոլոր գյուղերը առանց արտավայրի ու խոշոր եղջերավոր անասունների մասն:

ԱՇԽԱՏՈՂՆԵՐԻ ԱՆՎԱՆԱՔԱՐՏԵՐ ԶՈՒՆԵՆ

Իջեան քաղաքում գործող բազում սուպերմարկետների աշխատողներ անվանաքարտեր(բեյջ) չունեն, «Ֆրեշ սուպերմարկետի աշխատողները խանութի անվանումով ասեղնագործված շապիկներ են կրում: Հոկտեմբերի 25 -ին այդ սուպերմարկետի վաճառողուհին մեր լրագրողին ասաց, որ իրենց խանութում լուսանկարելի արգելված է, հարցրինք, թե ո՞ր օրենքով է արգելված: Այդ հարցին պատասխանելու համար վաճառողուհին գլաց մենեջերի մոտ, երկար բացակայելուց հետո վաճառողուհին եկավ եւ ասաց, որ մենեջերը տեղում չէ: Նիկոլ Փաշինյանի հայրենի իջեանում ՀՀ օրենքները չեն գործում:

ԻՋԵՎԱՆԻ ՄԱՐԶՂԵՏԱՐԱՆ

Տավուշի մարզպետարանում մոտ ութ տասնյակ աշխատողներ կան, որոնք բոլորը իջեան համայնքի բնակիչներ են: Տավուշի մարզպետարանը կարելի է ավանել «Իջեանի համայնքապետարան»: Տավուշի մարզպետ Հայկ Ղալումյանին հարց ենք ուղղել, թե ինչու Տավուշի մարզպետի աշխատակազմում Նոյեմբերյան, Դիլիջան, Բերդ եւ Նոյեմբերյան համայնքներից թափուր պաշտոնների համարման համար հայտարարված մրցույթներին մասնակցելու դիմորդներ չեն եղել»:

ՈՍԿԱՆ ՍՈՐԳՅԱՆ Տավուշ

ՈՒՇԱԳՐԱՎ ԹՎԵՐ

ԻՆՉ ԱՐՏԱԿԱՐԳ ԴԵՊՔԵՐ ԵՆ ԳՐԱՆՑՎԵԼ ՀՀ-ՈՒՄ

«Ժողովուրդ» օրաթերթը վիճակագրական կոմիտեից սեղեկացավ, թե 2023 թվականին ինչ արտակարգ դեպքեր են գրանցվել Հայաստանի Հանրապետությունում:

Այսպիսով՝ 2023 թվականին հանրապետությունում գրանցվել է 13 953 արտակարգ դեպք, տուժել է 16 330 մարդ (516 զոհ, 15 814 վիրավոր), 197-ը փրկվել է, իսկ 5 422-ը՝ տարհանվել:

Տարերային վտանգավոր երեւոյթներից տուժել է 10 մարդ, որոնցից մեկը՝ կին: Զոհվել են 4-ը, իսկ վիրավորվել՝ 6-ը, որոնցից մեկը՝ կին: Փրկվել է 1 հոգի: Տարհանվել է 5 143 հոգի:

Տեխնածին արտակարգ դեպքերից 2023 թվականին տուժել է 7 125 անձ, որոնցից 2 592-ը՝ կանայք: Տեխնածին արտակարգ դեպքերի հետեւանքով զոհվել է 428 մարդ, որոնցից 110-ը եղել են կանայք: Վիրավորվել է 6 697 անձ, որոնցից 2 482-ը՝ կին: Փրկվել է 194 անձ, նրանցից 37-ը՝ կին: Տարհանվել է 279 մարդ:

Սոցիալ-կենսաբանական արտակարգ դեպքերից տուժել է 9 195 մարդ, որոնցից 3 788-ը կանայք են. զոհվել են 84-ը, որոնցից 36-ը կանայք են: Սոցիալ-կենսաբանական արտակարգ դեպքերից վիրավորվածների քանակը շուրջ 9 111 է, որոնցից 3 752-ը կանայք են. փրկվել է ընդամենը 2 մարդ: Տարհանվածներ չեն եղել:

Գրանցված արտակարգ դեպքերի 4.2%-ը տարերային վտանգավոր երեւոյթներ են, որոնց հետեւանքով տուժել է 10 մարդ (4 զոհ, 6 վիրավոր), մեկը փրկվել է, 5 143-ը՝ տարհանվել:

Ուժեղ քամու, փոթորիկի, մրրիկի, պտտահողմի, փոշեփոթորիկի 99 դեպք է գրանցվել 2023 թվականին, որի պատճառով տարհանվել է 3 մարդ: Տուժած մարդիկ չկան:



Ամպրոպի եւ կայծակի 7 դեպք է գրանցվել, որից տուժել է 5 մարդ, 3-ը վիրավորվել են, 2-ը՝ զոհվել: Տարհանված անձինք չեն եղել:

2023 թվականին տարերային վտանգներից կարկուտի 37 դեպք է գրանցվել, որից տուժածներ, զոհվածներ եւ տարհանվածներ չկան: Տեղատարափ անձրեւի 19 դեպք է գրանցվել, որի հետեւանքով 11 մարդ տարհանվել է:

Չյան առատ դեպքերը 2023 թվականին գրանցվել են ինը, որի պատճառով տարհանվել է 1037 մարդ:

Բքի եւ ձնահողմի 30 դեպք է գրանցվել, որի պատճառով տարհանվել է 3081 մարդ: Մերկասառույցի 92 դեպք է գրանցվել, որի հետեւանքով 1009 մարդ տարհանվել է:

Վեգետացիայի շրջանում գրանցվել է 2, սողանքի, հողասանքի՝ 3, սելավի՝ 4 դեպք: Տուժածներ չեն եղել:

Դարափուկի (փլվածք, նստվածք) դեպք 2023 թվականին գրանցվել է 12-ը, որի հետեւանքով տուժել է 3, մահացել 2, վիրավորվել 1 մարդ: Փրկվել է 1 մարդ:

Քարաթափվածքի դեպքերը եղել են 46-ը, որից տուժել է 1 եւ վիրավորվել նույնպես 1 մարդ:

2023 թվականին ձնահյուսի 1 դեպք է գրանցվել, որից տուժածներ, զոհվածներ եւ տարհանվածներ չկան:

Անտառային հրդեհների 22 դեպք է տեղի ունեցել, իսկ տորֆային հրդեհի 2 դեպք: Տուժածներ, զոհվածներ եւ տարհանվածներ այս դեպքերի պատճառով չկան:

Հեղեղման, գետերի վարարումների 4 դեպք է գրանցվել 2023 թվականին, որի հետեւանքով 2 մարդ տարհանվել է:

2023 թվականին երկրաշարժերի գրանցված թիվը 55-ն է, սակայն, բարեբախտաբար, երկրաշարժի հետեւանքով տուժածներ, զոհվածներ եւ տարհանվածներ չկան:

Գրունտային ջրերի մակարդակի բարձրացման 2 դեպք է գրանցվել, որից տուժածներ չկան:

Վայրի կենդանիների հարձակման 145 դեպք է գրանցվել, որից տուժել է վիրավորվել է 1 մարդ:

Քաղաք Երեւանում տարերային վտանգավոր երեւոյթների 34 դեպք է գրանցվել, Արագածոտնի մարզում՝ 49, Արարատի մարզում՝ 7, Արմավիրի մարզում՝ 3, Գեղարքունիքի մարզում՝ 30, Լոռու մարզում՝ 52, Կոտայքի մարզում՝ 38, Շիրակի մարզում՝ 33, Սյունիքի մարզում՝ 65, Վայոց ձորի մարզում՝ 179, Տավուշի մարզում՝ 46:

Հավելենք նաեւ, որ 2023 թվականին արտակարգ իրավիճակների կանխարգելման եւ հետեւանքների վերացման նպատակով պատրաստվել եւ ուսուցանվել է արտակարգ իրավիճակներում բնակչության պաշտպանության համակարգի 1737 ղեկավար եւ մասնագետ:

ԱՆՆԱ ՍՐԿՊՈՒՆՅԱՆ

ՆՈՐՈՒԹՅՈՒՆՆԵՐ

ՄԱՆՐԱՄԱՄՆԵՐ «ԴՈՄՈՒՄ»-Ի ՀՐԴԵՀԻՑ

Հոկտեմբերի 7-ին՝ ժամը 12:57-ին, «Դոմոս» առեւտրի կենտրոնում հրդեհ էր բռնկվել, ինչը գնալով թեժացել էր եւ ամբողջ շենքը հայտնվել էր կրակի մեջ: Հրդեհի բարդությունը որակվել էր «Թիվ 3» կան:

«Դոմոս»-ի հրդեհը մեկուսացվեց ժամը 15:23-ին, մարվեց՝ 16:11-ին:

«Դոմոս» առեւտրի կենտրոնի ամբողջությամբ այրվելուց հետո՝ հաջորդ օրը՝ հոկտեմբերի 8-ին, ՀՀ քննչական կոմիտեն Ոստիկանությունից ստացել է «Դոմոս» ՓԲԸ-ի հաղորդումը՝ Իսակովի պողոտայի 29/1 հասցեում գտնվող ընկերության պահեստային մասից հրդեհի բռնկման եւ խանութի արվելու մասին, ինչով, ըստ հաղորդման, նախնական տվյալներով ընկերությանը շուրջ 800 միլիոն դրամի գույքային վնաս է պատճառվել:

Արդեն հոկտեմբերի 9-ին X-Group ընկերության մարքեթինգի ղեկավար Սեդա Հովսեփյանը «Ֆեյսբուք» սոցիալական ցանցի իր անձնական էջում հրապարակում է կատարել՝ հայտնելով, որ ընկերությունը խոստանում է կեն միլիոն դրամ պարգեւավճար այն քաղաքացուն, որը կտրամադրի կարգերը հրդեհի բռնկման սկզբնական ժամանակահատվածից:

ՀՀ քննչական կոմիտեի մամուլի քարտուղար Գոռ Աբրահամյանը «Ժողովուրդ» օրաթերթին փոխանցեց, որ նախաքննություն է իրականացվում, փորձաքննություններ են նշանակված եւ սպասում են եզրակացությունների:

ՎՆԱՄԱԿԱՐ ՆՅՈՒԹԵՐԻ ՀԱՐԿ

«Ժողովուրդ» օրաթերթը վիճակագրական կոմիտեից տեղեկացավ 2023 թվականին ՀՀ-ում ջրային ավազան թափված եւ օդային ավազան արտանետված վնասակար նյութերի համար վճարված հարկերի մասին:

2023 թվականին ջրային ավազան թափված աղտոտիչ նյութերի դիմաց հարկը կազմել է բնապահպանական ընդհանուր հարկերի 18.7%-ը, արտանետման անշարժ աղբյուրներից մթնոլորտ արտանետված վնասակար նյութերի դիմաց հարկը՝ 2.1%, շրջակա միջավայրին վնաս պատճառող ապրանքների դիմաց հարկը՝ 68.9%, թափոնակուտակիչներում թափոնների տեղադրման դիմաց հարկը՝ 10.3%:

Այսպիսով, «Ժողովուրդ» օրաթերթը ներկայացնում է, թե ՀՀ-ի ո՞ր մարզերն են ամենաշատ հարկը վճարել 2023 թվականին՝ ջրային ավազան թափված եւ օդային ավազան արտանետված վնասակար նյութերի համար:

Ցանկը սկսենք մայրաքաղաք Երեւանից: Մայրաքաղաք Երեւանում 2023 թվականին ջրային ավազան թափված վնասակար նյութերի համար վճարված հարկը կազմել է շուրջ 942 միլիոն 15 հազար դրամ, իսկ օդային ավազան արտանետված վնասակար նյութերի համար՝ 70 միլիոն 829 հազար դրամ:

Արարատի մարզում 2023 թվականին ջրային ավազան թափված վնասակար նյութերի համար վճարված հարկը կազմել է 11 միլիոն 234 հազար դրամ, իսկ օդային ավազան արտանետված վնասակար նյութերի համար՝ 13 միլիոն 104 հազար դրամ:

Կոտայքի մարզում 2023 թվականին ջրային ավազան թափված վնասակար նյութերի համար վճարված հարկը կազմել է 15 միլիոն 995 հազար դրամ, իսկ օդային ավազան արտանետված վնասակար նյութերի համար՝ 13 միլիոն 345 հազար դրամ:

Սյունիքի մարզում 2023 թվականին ջրային ավազան թափված վնասակար նյութերի համար վճարված հարկը կազմել է 29 միլիոն 778 հազար դրամ, իսկ օդային ավազան արտանետված վնասակար նյութերի համար՝ 3 միլիոն 987 հազար դրամ:

Ընդհանուր առմամբ ՀՀ-ում 2023 թվականին ջրային ավազան թափված վնասակար նյութերի համար վճարված հարկը կազմել է 1 միլիարդ 26 միլիոն 441 հազար դրամ, իսկ օդային ավազան արտանետված վնասակար նյութերի համար՝ 116 միլիոն 174 հազար դրամ:

Նյութերը՝ Ա. ՍՐԿՊՈՒՆՅԱՆԻ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 35 պատահար. 2 մարդ մահացել է, 57-ը՝ ստացել տարբեր աստիճանի մարմնական վնասվածքներ:

ՏՆՏԵՍԱԿԱՆ

1000 ԽՈՇՈՐ ՀԱՐԿ ՎՃԱՐՈՂՆԵՐ



Պետական եկամուտների կոմիտեն հայտնում է, որ ՊԵԿ պաշտոնական կայքում հրապարակվել է 2024 թ. հունվար-սեպտեմբեր ամիսների ընթացքում առաջին 1000 խոշոր հարկ վճարողների կողմից վճարված հարկերի և վճարների վերաբերյալ տեղեկատվությունը:

1000 խոշոր հարկ վճարողների կողմից 2024 թ. հունվար-սեպտեմբեր ամիսների ընթացքում պետական բյուջե ընդհանուր առմամբ վճարվել է ավելի քան 1 տրիլիոն 323 միլիարդ 205 միլիոն դրամ:

Հարկային մարմին կատարված վճարումների գումարը կազմել է ավելի քան 1 տրիլիոն 95 միլիարդ 131 միլիոն դրամ, իսկ մաքսային մարմին կատարված վճարումների գումարը՝ ավելի քան 228 միլիարդ 74 միլիոն դրամ:

Հարկային մարմին կատարված վճարումները խոշոր հարկ վճարողների վերաբերյալ ցանկը հասանելի է ՊԵԿ պաշտոնական կայքի «Տեղեկություններ հարկ վճարողների վերաբերյալ» բաժնի «Հարկ վճարողների վերաբերյալ տեղեկատվական ցանկեր» ենթաբաժնում:

Ցանկի առաջին հորիզոնականում «Զանգեզուրի պղնձամոլիբդենային կոմբինատ»-ն է, երկրորդը՝ «Մոբայլ սենթր արթը», երրորդը՝ «Գրանդ Տոբակո», ապա «Գազպրոմ Արմենիան»: Խոշոր հարկ վճարողների ցանկում է «Ամերիաբանկը»՝ վեցերորդ հորիզոնականում, «Ֆիլիպ Մորիս Արմենիան»՝ ութերորդ հորիզոնականում, «ՎԻՎԱ Արմենիան»՝ իններորդ հորիզոնականում, «Սիթի», «Վայբերրիզ», «Ֆլեշ», «ԱԿԲԱ բանկ», «Ինտելբանկ», «Դիժիթեյն» և այլ կազմակերպություններ:

ՊԵԿ տեղեկատվության և հասարակայնության հետ կապերի բաժնի:

ՃԱՆԱՊԱՐՀՆԵՐՆ ԱՆՑԱՆԵԼԻ ԵՆ

Փրկարար ծառայությունը տեղեկացնում է, որ ՀՀ տարածքում ավտոճանապարհների անցանելի են:

Վրաստանի ՆԳՆ ԱԻ դեպարտամենտից և ՌԴ ԱԻՆ Հյուսիսային Օսիայի ճգնաժամային կառավարման կենտրոնից ստացված տեղեկատվության համաձայն՝ Ստեփանծմինդա-Լարս ավտոճանապարհը բաց է բոլոր տեսակի տրանսպորտային միջոցների համար:

«ԱՄԵՐԻԱԲԱՆԿ»

MyHome ՀԱՐԹԱԿԸ՝ ՑՈՒՆ ԷՔՍՊՈԶՈՒՄ

Տան ընտրությունից մինչև վարկավորում, ամբողջ գործընթացը՝ օնլայն: «Ամերիաբանկը» մասնակցում է Տուն էֆառոյին՝ ներկայացնելով հիփոթեքային օնլայն վարկավորման համար նախատեսված MyHome հարթակը: Այն իր բնույթով առաջինն է ռուկայում, որը հնարավորություն է սալիս ընտրելու բնակարան և վարկավորման ողջ գործընթացն անցնել օնլայն:

«Ամերիաբանկի» MyHome պրոդուկտի ղեկավար Տիգրան Գրիգորյանը լրագրողների հետ զրույցում հայտնեց, որ MyHome-ի ստեղծման առաջին իսկ օրվանից նպատակ են ունեցել անշարժ գույքի ձեռքբերման գործարքները դարձնել ավելի ճկուն և հարմարավետ հաճախորդների համար:

«Հաճախորդները MyHome.am հարթակի օգնությամբ կարողանում են գտնել իրենց նախընտրած տունը, տեղում դիմել հիփոթեքային վարկի համար ու հաշված րոպեների ընթացքում ստանալ հաստատումը: Դրանից հետո ամբողջ գործընթացը նորից տեղի է ունենում առցանց բանկի հաճախելու անհրաժեշտություն չկա: Միայն պետք է այցելել նոտարական գրասենյակ՝ պայմանագրի վավերացման համար», - ասաց Գրիգորյանը:

«Ամերիաբանկ» հիփոթեքային վարկի համար կարող են դիմել ինչպես Հայաստանի քաղաքացիները, այնպես էլ սփյուռքի մեր հայրենակիցները:

«Մենք ներկայացնելու ենք նաև պետական աջակցության այն ծրագրերը, որոնց միացել է «Ամերիաբանկը» և որոնք լրացուցիչ վարկային արտոնություններ են տալիս հաճախորդներին, ովքեր ցանկանում են ձեռք բերել անշարժ գույք: «Ամերիաբանկը» ՀՀ հիփոթեքային շուկայում ունի 22 տոկոս մասնաբաժին, և տարիներ շարունակ՝ շուկայի առաջատարն է: Մեր հաճախորդների վստահությունը և հետաքրքրվածությունն ավելացել է, ինչի արդյունքում մեր հիփոթեքային վարկային պորտֆելն այս տարի արձանագրել է ավելի քան 50 միլիարդ դրամի աճ՝ հատելով 285 միլիարդի շեմը», - ասաց «Ամերիաբանկի» երկարաժամկետ բանկային ծառայությունների ուղղության ղեկավար Վահրամ Գեորգյանը:

«Ամերիաբանկի» հիփոթեքային վարկավորման պրոդուկտային թիմի ղեկավար Լիանա Աղայանն էլ նշում է, որ Տուն



էքսպոն տարվա կարելու միջոցառումներից է և մեկ հարթակում է միավորել շուկայի բոլոր մասնակիցներին՝ գնորդներին, վաճառողներին, բանկերին, կառուցապատողներին և բրոքերներին:

«Մենք մշտապես կարելու ենք մեր հաճախորդների կարիքների բացահայտումը և այսօր նույնպես ունենք հնարավորություն՝ լսելու նրանց առաջարկները, ինչը մեզ կօգնի բարելավել մեր պրոդուկտային պայմանները հետագայում: Մեր կառուցապատողների հետ կառուցում ենք կայուն, վստահելի և երկարաժամկետ հարաբերություններ: Այսօր համատեղ մշակել ենք հատուկ առաջարկներ, ինչը հնարավորություն կտա Տուն էքսպոյի մասնակիցներին ձեռք բերել իրենց երազանքների գույքն ավելի ցածր տոկոսադրույքով և ավելի ցածր գնային պայմաններով», - ասաց Աղայանը:

Էքսպոյի այցելուների համար «Ամերիաբանկն» առաջնային շուկայից անշարժ գույքի ձեռքբերման օնլայն վարկի համար սահմանել է ավելի ցածր տոկոսադրույք՝ տարեկան 13%-ի փոխարեն 12.5%:

«Ամերիաբանկը» հիփոթեքային վարկ է առաջարկում նաև Սփյուռքի մեր հայրենակիցներին: Անկախ բնակության վայրից ու Հայաստանում գրանցված եկամուտ ունենալու հանգամանքից՝ նրանք կարող են գնել, վերանորոգել կամ

կառուցել տուն Հայաստանի ցանկացած անկյունում: Վարկավորումն իրականացվում է առանց տրամադրման ու սպասարկման վճարների:

«Ամերիաբանկը» հատուկ առաջարկ ունի նաև ներդրումային և գրավով ապահովված վարկերի համար: Բանկի ներդրումային վարկը Հայաստանում առաջին և դեռևս միակ վարկատեսակն է, որով հնարավոր է գնել անշարժ կամ շարժական գույք արտերկրում:

«Տվյալ վարկերը տրամադրում ենք մինչև 20 տարի մարման ժամկետով, տարբեր արժույթներով՝ ըստ հաճախորդի ցանկության: Տուն էքսպոյի շրջանակում ունենք բացառիկ արտոնություններ տվյալ վարկատեսակի մասով, ինչի համար բոլորին հրավիրում ենք մեր տաղավար՝ բաց չթողնելու այս մեծ հնարավորությունը ներդրումային գույքի սեփականատեր դառնալու համար», - նշեց «Ամերիաբանկի» ներդրումային և գրավով ապահովված վարկավորման պրոդուկտային թիմի ղեկավար Մարիաննա Հովհաննիսյանը:

«Ամերիան» էքսպոյի այցելուներին առաջարկում է տարեկան 1%-ով ավելի ցածր տոկոսադրույք դրամային, դոլարով և եվրոյով վարկերի համար, տարեկան համապատասխանաբար՝ 13%, 9.5% և 7.5%:

ԼՄՄԱ ՍԻՔՍՏԵԼՅԱՆ

ՎԻՃԱԿԱԳՐՈՒԹՅՈՒՆ

ԲՆՕԳՏԱԳՈՐԾՄԱՆ ՀԱՐԿԵՐ, ՎՃԱՐՆԵՐ

«Ժողովուրդ» օրաթերթը վիճակագրական կոմիտեից ստացված 2023 թվականին ՀՀ-ում օրգակա միջավայրի և բնական դաճարների մասին:

2023 թվականին բնապահպանական հարկերը և բնօգտագործման վճարները կազմել են 8 միլիարդ 966 միլիոն 600 հազար դրամ, որի 61.2%-ը բնապահպանական հարկերն են (վնասակար նյութերը շրջակա միջավայր (օդային և ջրային ավազան) արտանետելու, արտադրության և սպառման թափոնները շրջակա միջավայրում տեղադրելու, շրջակա միջավայրին վնաս պատճառող ապրանքների արտադրության և սպառման համար), 38.8%-ը՝ բնօգտագործման վճարները (ջրօգտագործման, ոչ մետաղական հա-

նածոների մարված պաշարների, ստորերկրյա քաղցրահամ ու հանքային ջրերի և աղի արդյունահանված պաշարների, կենսապաշարների օգտագործման համար):

Այսպիսով, 2023 թվականին մայրաքաղաք Երևանում բնապահպանական հարկերն ու բնօգտագործման վճարները կազմել են 5 միլիարդ 155 միլիոն 927 հազար դրամ, որից 4 միլիարդ 669 միլիոն 54 հազար դրամը՝ բնապահպանական հարկերն են, իսկ 486 միլիոն 873 հազար դրամը՝ բնօգտագործման վճարները:

Արարատի մարզում 2023 թվականին բնապահպանական հարկերն ու բնօգտագործման վճարները կազմել են 1 միլիարդ 126 միլիոն 438 հազար դրամ, որից 100 միլիոն 76 հազար դրամը՝ բնապահպանա-

կան հարկեր են, իսկ 1 միլիարդ 26 միլիոն 361 հազար դրամը՝ բնօգտագործման վճարներ:

Կոտայքի մարզում 2023 թվականին բնապահպանական հարկերն ու բնօգտագործման վճարները կազմել են 669 միլիոն 615 հազար դրամ, որից 81 միլիոն 462 հազար դրամը բնապահպանական հարկեր են, իսկ 588 միլիոն 152 հազար դրամը՝ բնօգտագործման վճարներ:

Սյունիքի մարզում 2023 թվականին բնապահպանական հարկերն ու բնօգտագործման վճարները կազմել են 474 միլիոն 556 հազար դրամ, որից 371 միլիոն 869 հազար դրամը բնապահպանական հարկեր են, իսկ 102 միլիոն 686 հազար դրամը՝ բնօգտագործման վճարներ:

ԱՆՆԱ ՍՐԱՊՈՒՆՅԱՆ

«Ժողովուրդ» օրաթերթում և Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:



ՄՇԱԿՈՒՅՑ

«ՌԵԱՆԻՄԱՆԻԱ»

ԱՄՓՈՓՎԵԼ Է ԱՆԻՄԱՑԻՈՆ ՏԻԼՄԵՐԻ ՄԻՋԱԶԳԱՅԻՆ ՓԱՌԱՏՈՆԸ

ՀՀ կրթության, գիտության, մշակույթի եւ սպորտի նախարարության աջակցությամբ «ՌԵԱՆԻՄԱՆԻԱ» ԵՐԵՎԱՆԻ ԱՆՈՒՅՑԱԳԱՅԻՆ ԱՆԻՄԱՑԻՈՆ ԿԻՆՈՓԱՌԱՏՈՆԸ անցկացվել է 16-րդ անգամ...

Փառատոնի ամփոփիչ միջոցառմանն ազդարարվել են մրցութային ծրագրերի հաղթողները: «ՌԵԱ» փառատոնում այս տարի ընդգրկված էին 41 ավարտական, 59 կարճամետրաժ եւ 8 լիամետրաժ մրցութային ֆիլմեր:

Ավարտական ֆիլմերի անվանակարգում հատուկ հիշատակման է արժանացել Էրիկա Տոտորոյի (ԱՄՆ) «Հանելուկ»-ը, իսկ «Լավագույն ավարտական ֆիլմ» է ճանաչվել «8-րդ օրը»:

Կարճամետրաժ ֆիլմերի 1-ին տեղի մրցանակը ստացել է Florence Miaalhe-ի (Ֆրանսիա) «Թիթեռը», իսկ ժյուրիի հատուկ հիշատակման է արժանացել Լուկաս Մալբրունի (Ֆրանսիա) «Մարգարետե 89»-ը:

«Լավագույն լիամետրաժ ֆիլմ» անվանակարգում հաղթող է ճանաչվել Ադամ Էլիոթի «Խխունջի հուշերը» ֆիլմը, իսկ «Ժյուրիի հատուկ հիշատակում» անվանակարգում՝ Իզաբել Էրգերայի «Սուլթանուհու երգը»:

Լիամետրաժ անիմացիոն ֆիլմի լավագույն գաղափարի համար «Վալենտին Պոդպոմոգոլի անվան մրցանակի» է արժանացել Գինթա Զիլբալդիսի «Հոսք» ֆիլմը:

«ՌԵԱ» փառատոնն այս տարի եւս հազեցած էր բազմաթիվ ծրագրերով: Փառատոնի շրջանակում ցուցադրվել են 250-ից ավելի ֆիլմեր, որոնց թվում էին Կաննի, Սան Սեբաստիանի, Անսիի եւ Բեռլինի հայտնի անիմացիոն կինոփառատոններում ցուցադրված ֆիլմերը:



Փառատոնի շրջանակում Հայաստան էին ժամանել 20-ից ավելի մասնագետներ Եվրոպայից եւ ԱՄՆ-ից՝ կիսվելու իրենց փորձով, գիտելիքով եւ գնահատելու հայ անիմատորների եւ երիտասարդ ստեղծագործողների տաղանդը:

Արդեն երկրորդ տարին անընդմեջ փառատոնի շրջանակում իրականացվել է նաեւ ReA Comics Art ծրագիրը, որի շրջանակում անցկացվել է Ազգային պատկերասրահային նախագծերի մրցույթը: Մրցույթում 1-ին տեղի օժանդակություն-մրցանակը ստացել է Ելենա Ներսեսյանի «Միսթրալ» պատկերասրահումը, 2-րդ տեղի օժանդակություն-մրցանակը՝ Միլենա Ադամյանի «Արձագանքներ» պատկերասրահումը, իսկ 3-րդ տեղում՝ «Մթնշաղի երգերը» պատկերասրահումը:

Փառատոնի մյուս կարևոր բաղադրիչը՝ MarAni անիմացիոն շուկայի CoReAct համարտարության հարթակն այս տարի

հյուրընկալել է 17 հայաստանյան նախագիծ: Հարթակի «Ժյուրիի հատուկ հիշատակում» անվանակարգում հաղթող է ճանաչվել «Այծեմնիկ» նախագիծը (ռեժիսոր/պրոդյուսեր՝ Էլինա Երկատյան):

1-ին տեղի մրցանակը շնորհվել է «Տատիկն ու սուվերը» նախագիծին (ռեժիսոր/պրոդյուսեր՝ Լիանա Գեւորգյան եւ Seagull Production), 2-րդ տեղում՝ «Իմ ընկեր աղմուկը» նախագիծն է (ռեժիսոր՝ Հասմիկ Սիմոնյան, պրոդյուսեր Սուսաննա Խաչատրյան), իսկ 3-րդ տեղում՝ «Քուլ Դաուն» նախագիծը (ռեժիսոր/պրոդյուսեր՝ Հայկ Կարապետյան եւ Zrah Studio):

«ՌԵԱՆԻՄԱՆԻԱ» անիմացիոն ֆիլմերի եւ պատկերասրահային արվեստի փառատոնն այս տարի նվիրված էր Հայկական անիմացիայի 85 եւ Հայ կինոյի 100-ամյակներին: Գլխավոր հովանավորը Երեւանի քաղաքապետարանն էր:

ՀՀ ԿԳՄՍ նախարարություն

ՄԱՐԶԱԿԱՆ

ՄԻՆԶԵՎ 20 ՏԱՐԵԿԱՆՆԵՐԻ ՈՍԿԵ ՄԵԴԱԼԱՆԻՐ

Հայաստանի ծանրամարտի կանանց հավաքականի անդամ Ալեքսանդրա Գրիգորյանը դարձավ Եվրոպայի մինչեւ 20 տարեկանների առաջնության ոսկե մեդալակիր:

Լեհաստանում ընթացող մրցաշարի մինչեւ 20 տարեկանների պայքարում մեծահասակների Եվրոպայի առաջնության գործող չեմպիոն Ալեքսանդրա Գրիգորյանը (55 կգ) երկու հաջող մոտեցմամբ պոկեց 81 եւ 85 կգ: Հրում վարժությունում նա գլխավորեց 105 եւ 115 կգ: Երկամարտի 200 կգ արդյունքով նա Եվրոպայի մինչեւ 20 տարեկանների առաջնության ոսկե մեդալակիր է:

ԸՆԿԵՐԱԿԱՆ ԽԱՂԵՐ

ԿԱՆՑԿԱՑՎԵՆ

Ֆուտբոլի Ռուսաստանի ազգային հավաքականը երկու ամսվա ընդմիջումից հետո հերթական ընկերական խաղերը կանցկացնի:

Ռուսաստանի ֆուտբոլային միության մամուլի ծառայությունը հայտնում է, որ Վալերի Կարպինի գլխավորած թիմը Նոյեմբերի 15-ին Կրասնոդարում կընդունի Բրունսի հավաքականին, իսկ չորս օր անց Վոլգոգրադում Սիրիայի ազգային թիմին:

Ռուսաստանի ազգային հավաքականը 2022 թվականից պաշտոնական խաղեր չի անցկացնում:

ՎԻՆԻՍԻՆՈՒՄԸ՝ ԶԼ ԸՆԲԱԹՎԱ ԼԱՎԱԳՈՒՅՆ ՖՈՒՏԲՈՒԼՍ

Մադրիդի «Ռեալի» բրազիլացի հարձակվող Վինիսիուս Ժունիորը երկրպագուների քվեարկությամբ ճանաչվել է ՈւԵՖԱ-ի Չեմպիոնների լիգայի շաբաթվա լավագույն ֆուտբոլիստ, հայտնում է մրցաշարի մամուլի ծառայությունը:

Բրազիլիայի հավաքականի 24-ամյա ֆուտբոլիստը Դորտմունդի «Բորուսիայի» դեմ հիմնական փուլի երրորդ տուրի տևային խաղում հեթ-տրիկի հեղինակ էր դարձել, «Ռեալը» կամային հաղթանակի էր հասել 5-2 հաշվով:

Շաբաթվա լավագույն ֆուտբոլիստի կոչմանը հավակնում էին նաեւ կատալոնական «Բարսելոնայի» բրազիլացի հարձակվող Ռաֆինյան, իտալական «Միլանի» հոլանդացի կիսապաշտպան Տիլերսը եւ «Մոնակոյի» ճապոնացի հարձակվող Տակումի Մինամին:

Ռաֆինյան եւս հեթ-տրիկի հեղինակ էր դարձել: Բրազիլիայի հավաքականի ֆուտբոլիստի երեք գոլերն օգնել էին «Բարսելոնային» 4-1 հաշվով տնային հաղթանակի հասնել Մյունխենի «Բավարիայի» նկատմամբ:

ՄԻՋՈՑԱՌՈՒՄՆԵՐ

ՏԱՆԻՔԱՇԵՐՏՆ ԱՄԲՈՂՋՈՒԹՅԱՄԲ ՓՈԽԱՐԻՆՎԵԼ Է

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն այցելել է Ալեքսանդր Սպենդիարյանի անվան օպերայի եւ բալետի ազգային ակադեմիական թատրոն՝ ծանոթանալու կատարված հիմնանորոգման աշխատանքներին:

Մասնավորապես, ամբողջությամբ փոխարինվել է օպերային թատրոնի բեմական հատվածի տանիքաշերտը, ինչպես նաեւ հիմնանորոգվել է շենքի տանիքը: Փոխվել է տանիքի ծածկը, այդ թվում՝ տեղադրվել է ջրամեկուսիչ եւ պաշտպանիչ շերտ, վերանորոգվել ու թարմացվել են նաեւ տանիքի այդ հատվածի ջրահեռացման համակարգերը:

Ժաննա Անդրեասյանին զեկուցվել է, որ վերանորոգման աշխատանքների ավարտից հետո տեղացած անձրևների ժամանակ որեւէ խնդիր չի առաջացել:

Տանիքի վերանորոգման աշխատանքներն իրականացվել են պետական բյուջեի միջոցներով: Շուրջ 1200 քմ մակերեսով

տանիքային հատվածի վերանորոգումը տևել է 6-7 ամիս:

ԱՅԼԵՆ ՊՐԻՏՉԻՆԸ ՋՈՒԹԱԿԻ ԿԱՏԱՐՈՒՄՆԵՐՈՎ՝ ԵՐԵՎԱՆՈՒՄ

Հոկտեմբերի 30-ին՝ ժամը 19:00-ին, «Առևտրաբազանյան» համերգասրահում կկայանա ջութակահար Այլեն Պրիտչինի մենահամերգը: Երեւանյան համերգի ընթացքում Այլեն Պրիտչինը հանդես կգա մենանվագ ջութակի համար գրված ստեղծագործությունների կատարմամբ: Կինչեն Յ. Ս. Բախի, Է. Իզաբելի, Բ. Բարտոկի, Ա. Խաչատրյանի մենանվագ սոնատները:

«Այլենայտ է, որ նա հատուկ ասելիք ունի եւ օժտված է բացառիկ երաժշտական տաղանդով, որը գերազանցում է կատարողական հմտության սահմանները» - այսպես է արտահայտվել ջութակահարի մասին Բրունո Մոնսենսոնը:

Այլեն Պրիտչինը Մոսկվայի կոնսերվատորիայի շրջանավարտ է, Չայկովսկու, Կրեյտերի եւ Վենյամինովի անվան միջազգային մրցույթների դափնեկիր, Մարգա-

րիտ Լոնգ եւ Ժակ Տիբո մրցույթի առաջին մրցանակակիր: Համարվում է իր սերնդի ամենավառ կատարողներից մեկը: Որպես մենակատար եւ կամերային երաժիշտ՝ ակտիվ հյուրախաղերով հանդես է գալիս Ռուսաստանում, Ֆրանսիայում, Բելգիայում, Իտալիայում, Գերմանիայում, Կանադայում, Ճապոնիայում, Չինաստանում, ԱՄՆ-ում:

Ելույթներ է ունեցել այնպիսի երաժիշտների եւ նվագախմբերի հետ, ինչպիսիք են Թեոդոր Կուրենկովը, Դավիթ Գերինգաւը, Ալեքսանդր Մելնիկովը, MusicAeterna նվագախումբը, Մարիինյան թատրոնի նվագախումբը, Ռուսաստանի ազգային ֆիլհարմոնիկ նվագախումբը, Թայվանի, Օսակայի եւ Լիվերպուլի ֆիլհարմոնիկ նվագախմբերը:

Կամերային երաժշտության քննադատում Պրիտչինի մշտական գործընկերների թվում են Լուկաս Գեյնուշաւը եւ Յուրի Ֆավորինը, որոնց հետ լույս են ընծայել մի քանի սկավառակներ: 2019-2020 թթ. Ad Vitam եւ Aparte լեյբլները թողարկել են Պրիտչինի կատարմամբ Պրոկոֆեւի, Բարտոկի, Բրամսի ստեղծագործություններով ձայնասկավառակներ:

2020 թվականից երաժիշտը Բրյուսելի եւ Մոսկվայի կոնսերվատորիաների պրոֆեսոր է:

● Նոյեմբերի 1-ին՝ ժամը 15:00-ին, Խամաճիկների պետական թատրոնում կցուցադրվի պրեմիերա՝ «Փոքրիկ իշխանը» ներկայացումը: Տոմսերի արժեքը՝ 1.500 դրամ:



ԱԿՏԵՐ

ՀԱՐՑ. Վարչական ակտերը ո՞ր դեպքում եւ ի՞նչ ժամկետներում են ներկայացվում հարկադիր կատարման:

Մանուկ Արսենյան (28 տարեկան)



**ՊԱՏԱՍԽԱՆ.** Դրամական պահանջները ներկայացվում են հարկադիր կատարման «Վարչարարության հիմունքների եւ վարչական վարույթի մասին» ՀՀ օրենքի 88-րդ հոդվածին համապատասխան վարչական ակտն անբողոքարկելի դառնալուց հետո՝ եռամսյա ժամկետում, իսկ վարչական ակտի կատարումը հետաձգելու կամ տարաժամկետելու դեպքում՝ հետաձգելու կամ տարաժամկետելու ժամկետի ավարտից հետո՝ եռամսյա ժամկետում:

**Հարկադիր կատարումն ապահովող ծառայություն**

**«ԺՈՂՈՎՈՒՐԳ».** «Վարչարարության հիմունքների եւ վարչական վարույթի մասին» ՀՀ օրենքի 71-րդ հոդվածի համաձայն՝ վարչական ակտը, որպես ընդհանուր կանոն, դառնում է անբողոքարկելի այն ուժի մեջ մտնելուց հետո՝ 2 ամսվա ընթացքում, վարչական բողոք չներկայացնելու դեպքում:

«Վարչարարության հիմունքների եւ վարչական վարույթի մասին» ՀՀ օրենքի 72-րդ հոդվածի համաձայն՝ վարչական ակտը դառնում է անբողոքարկելի այն ուժի մեջ մտնելուց հետո՝ 2 ամսվա ընթացքում, վարչական բողոք չներկայացնելու դեպքում:

ԿՎՐԳ

ՀԱՐՑ. Ուզում եմ իմանալ՝ ընտրություններին մասնակցելու համար ինչ է անհրաժեշտ կուսակցության համար: Խնդրում եմ ասել սեղական ինքնակառավարման մարմինների եւ խորհրդարանական ընտրությունների առանձնահատկություններն ու տարբերությունները:

Միքայել Փանոսյան (43 տարեկան)



**ՊԱՏԱՍԽԱՆ.** Քաղաքացու հարցին ի պատասխան՝ հայտնում ենք, որ կուսակցության ստեղծման գործընթացում տարբերություններ առկա չեն: Կուսակցությունները կարող են մասնակցել ինչպես խորհրդարանական, այնպես էլ ՏԻՄ ընտրություններին: Բուն ընտրական գործընթացների վերաբերյալ առանձնահատկությունները նախատեսված են Հայաստանի Հանրապետության ընտրական օրենսգրքով:

**«Կուսակցությունների մասին» ՀՀ օրենք**

**«ԺՈՂՈՎՈՒՐԳ».** Նշենք, որ կուսակցության պետական գրանցումը կատարում է Հայաստանի Հանրապետության կառավարության լիազորած պետական կառավարման մարմինը՝ Արդարադատության նախարարությունը:

ԼՈՒՐ ԿԱԴՐ

Լուսանկարը՝ համացանցից



Երեկ հայտարարվեց, որ Օպերայի եւ բալետի ազգային ակադեմիական թատրոնի բեմական հատվածի տանիքաշերտն ամբողջությամբ փոխարինվել է, հիմնանորոգվել է նաեւ շենքի տանիքը: Այնտեղ տեղադրվել է ջրամեկուսիչ եւ պաշտպանիչ շերտ:

ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



«Հայկուստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	0 - 4 + 8 + 12	Արարատ	0 + 3 + 17 + 19
Կոտայքի լեռներ	- 1 - 5 + 7 + 11	Արմավիր	- 1 + 2 + 17 + 19
Կոտայքի նախալեռներ	0 + 2 + 13 + 15	Վայոց ձորի լեռներ	- 2 - 5 + 9 + 11
Գեղարքունիք	0 - 5 + 6 + 11	Վայոց ձորի նախալեռներ	- 1 + 2 + 17 + 19
Լոռի	- 1 - 5 + 10 + 13	Սյունիքի հովիտներ	+ 3 + 7 + 16 + 19
Տավուշ	- 2 + 3 + 12 + 15	Սյունիքի նախալեռներ	0 - 2 + 9 + 12
Արագածոտնի լեռներ	0 - 3 + 7 + 11	ԼՂՀ	0 - 4 + 9 + 13
Արագածոտնի նախալեռներ	- 1 + 3 + 11 + 15	Երեւան	+ 6 + 8 + 16 + 18

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 28.10.2024  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: